

CYNGOR CYMUNED Y FELINHELI

Cofnodion cyfarfod 16 Mai 2017 a gynhaliwyd yng Nghapel Bethania am 7 yn yr hwyr.

PRESENNOL	
Daniel Williams	Gruff John
Iestyn Harris	Aled Emyr
Nerys John	Mair Bebb Jones
Sarah Riley	Mei Gwilym
Casi Roberts	Eifion Williams
Wynne Barton - Swyddog Ariannol	Cynghorydd Sir - Gareth Griffiths
1.0	GEIRIAU AGORIADOL Y CADEIRYDD AC YMDDIHEURIADAU
1.1	<p>Agorwyd y cyfarfod misol gan y Cadeirydd Daniel Williams. Ymddiheuriadau: Peter Simpson. Cafwyd dau lythyr oddi wrth dau berson cymwys ar gyfer y seddi gwag. Cafodd y ddau eu cyfethol i'r Cyngor. Estynnwyd croeso I Mei Gwilym ac Eifion Williams. Rhoddodd y Cadeirydd eglurhad i'r aelodau ynglŷn â sut oedd am i'r cyfarfodydd redeg yn y dyfodol. Dywedodd roedd materion yn codi a gohebiaeth yn cael eu trafod o fewn eitemau perthnasol. Byddai adroddiad y Cynghorydd Sirol yn ysgrifenedig ond byddai yn rhannu gwybodaeth berthnasol a'r eitemau o dan y penawdau perthnasol ond os byddai materion gwahanol yn codi yna byddai'r rhain yn cael eu trafod yn uniongyrchol o dan y pennawd adroddiad y Cynghorydd Sir. Disgwylir bod yr aelodau wedi darllen dogfennau'r cyfarfod o flaen llaw. Pwrpas hyn yw sicrhau bod y cyfarfodydd yn rhedeg yn esmwyth ac o fewn amser. Gobeithir bydd cyfarfodydd yn gallu cael eu cwblhau o fewn dwy awr.</p>
2.0	ADRODDIAD Y CYNGHORYDD
	Cyflwynwyd adroddiad ysgrifenedig mis Ebrill.
3.0	DATGAN DIDDORDEB
	Iestyn Harris eitem 8.2
4.0	CADARNHAU GWARIANT MIS BLAENOROL A'R ADRODDIAD BLAENOROL
4.1	Cadarnhawyd gwariant mis Ebrill 2017 a derbyn yr adroddiad ariannol.
4.2	Cyfeiriwyd at lythyr Archwiliad Cymru a chafwyd eglurhad gan y Swyddog Ariannol. Derbyniwyd y wybodaeth.
4.3	Cyflwynwyd yr Adroddiad Cyllidol 01/04/2016 - 31/03/2017 gan y Swyddog Ariannol. Cynigwyd ac eiliwyd yr adroddiad fel un cywir ac fe'i derbyniwyd a'u mabwysiadu yn unfrydol gan y Cyngor. Arwyddwyd datganiad yn cadarnhau cyflawni gofynion trefniadau rheoli ariannol effeithiol.
5.0	CADARNHAU COFNODION MIS BLAENOROL

CYNGOR CYMUNED Y FELINHELI

5.1	Derbyniwyd cofnodion mis Ebrill 2017 fel rhai cywir. Llofnodwyd y Cofnodion	
6.0	ADRODDIAD IS-BWYLLGOR Y NEUADD	
6.1	Gobeithir bydd materion y Neuadd yn cael ei drafod gan yr is-bwyllgor yn rheolaidd ac adroddiad yn unig yn cael ei gyflwyno i'r Cyngor am gadarnhau neu benderfyniad.	
6.2	Nid yw gwaith cynnal ar y to wedi ei gwblhau hyd yma oherwydd nid oes modd gwneud hynny heb sgaffald. Cyflwynwyd pris o £2,400.00 + TAW am y cyfarpar. Fel arfer mae rheolau'r cyngor yn nodi bod angen 3 pris ar gyfer unrhyw waith dros £500 ond yn yr achos hwn fe benderfynwyd derbyn y pris gan fod yr achos yn sefyllfa eithriadol. Y Clerc i holi'r cwmni yswiriant ynglŷn ag oes modd gwneud cais pellach.	CLERC
6.3	Adroddiad Peter Wray - gwaith ar dalcen ochr y môr. Gwaith rhoi silicone yn y man graciau a phaentio a phaent selio. Mae dyfynbris wedi ei dderbyn £1061.43 + TAW. Penderfynwyd oherwydd bod y sgaffald yn ei le gan yr adeiladwr presennol i symud ymlaen i wneud y gwaith gyda'r dyfynbris.	DW
6.4	Mae Peter Wray wedi gwneud ymholiadau ynglŷn â'r "Dry Rot" ac wedi gofyn am bris i wneud adroddiad gan arbenigwr.	
7.0	ADRODDIAD COFEB Y CLOC	
7.1	Mae ceisiadau bellach wedi eu hanfon at Cadw a War Memorials	
8.0	CEISIADAU CYNLLUNIO	
8.1	C17/0343/20/LL- Uned profi MOT. Arfaethedig - Modurdy Felinheli, Bonc, Tan y Maes, Y Felinheli, Gwynedd, LL56 4UQ - DIM GWRTHWYNEBIAD.	
8.2	C17/0390/20/LL - Estyniad ochr i greu llawr cyntaf - 85 Hen Gei Llechi, Y Felinheli, LL56 4PE - DIM GWRTHWYNEBIAD	
9.0	ADRODDIAD Y FYNWENT	
	Cafwyd adroddiad am niwed oedd wedi digwydd i garreg fedd, ar gyfer eglurhad roedd y Cadeirydd wedi paratoi lluniau. Trafodwyd y mater a phenderfynwyd nad oedd y Cyngor yn gyfrifol a chyfeiriwyd at reolau'r Fynwent, Y Clerc i anfon eglurhad ymlaen.	CLERC
10.0	ADRODDIAD MAES PARCIO, LON LAS A SAFLE MORIAH	
10.1	Mae problem yn y maes parcio wedi bodoli ers amser. Cyflwynwyd y Cadeirydd gyflwyniad o'r mesuriadau arfaethedig ar gyfer goresgyn y rhain. Gobeithir rhoi cyflwyniad i drigolion y stryd fawr sydd yn defnyddio'r maes parcio a	DW

CYNGOR CYMUNED Y FELINHELI

	hefyd hysbysu'r cynlluniau wythnos Gwyl y Felin. Tra bydd y gwaith yn cael ei gwneud bydd angen i'r trigolion symud y cerbydau oddi ar y safle.	
10.2	Lon Las - trafodwyd oes oedd modd plannu blodau'r ddol ar hyd y llwybr. Y Clerc i wneud ymholiadau.	CLERC
11.0	ADRODDIAD LLWYBRAU CYHOEDDUS, CYSGODFANAU A MEINCIAU	
11.1	Dywedodd y Cynghorydd Sir ei fod ar ddeall bod prisiau tender am y gwaith i lwybr Afon Heulyn yn ei holau a disgwylir bod y gwaith yn cael ei wneud ym Mehefin a bydd yn parhau am oddeutu 3 wythnos. Disgwylir bydd y llwybr yn cael ei agor cyn bod y wal yn cael eu hadeiladu.	
11.2	Mae pryder ynglŷn â chyflwr llwybrau linc Brynffynnon i Lon Llwyn i Ryd y Fenai. Y Clerc i anfon at Gyngor Gwynedd.	CLERC
11.3	Rhodddwyd wybodaeth I'r Cyngor nad oedd llwybr o'r Traeth i August Place yn perthyn i Gyngor Gwynedd ond roeddynt am edrych i fewn i'r honiad bod Cyngor Caernarfon wedi ei drwsio yn y gorffennol.	
11.4	Derbyniwyd gwybodaeth bod y llybr linc o Tai Gwelfor i'r Wern angen sylw oherwydd gordyfiant – Y Clerc i gysylltu a Chyngor Gwynedd.	CLERC
11.5	Penderfynwyd symud ymlaen a'r gwaith o gyflwyno safle bws yn Aberpwll..	
12.0	ADRODDIAD PRIFFYRDD	
12.1	Mae arwyddion cyfyngiad cyflymdra am Lon Llwyn wedi ei guddio gan gôr dyfiant. Y Clerc i anfon at Gyngor Gwynedd.	CLERC
12.2	Cafwyd adroddiad gan y Cyngor Sir bod wal gynnal Ffordd Gaernarfon yn ddiogel. Er hynny roedd y Cyngor eisiau cadarnhad bod hyn yn cynnwys yr 20 m o'r polyn golau stryd tuag at Gaernarfon. Y Clerc i anfon at Gyngor Gwynedd.	CLERC
12.3	Eglurwyd y clerc ei bod wedi derbyn gwybodaeth oddi wrth Gyngor Gwynedd bod y Mannau pasio ar Lon Bethel yn unol â beth oedd wedi ei benderfynu â Watkin Jones ac nad oedd modd cadarnhau bod y manau eraill lle mae niwed i ymylon y ffordd wedi digwydd oherwydd gwaith adeiladu Watkin Jones. Penderfynwyd bod y Clerc yn anfon at Gyngor Gwynedd i ofyn am ddatganiad a datgelu beth gafwyd ei benderfynu yn y cyfarfod safle.	CLERC
12.4	Cafwyd gwybodaeth bod tyllau ar Ffordd Llwyn	

CYNGOR CYMUNED Y FELINHELI

	bellach wedi eu llenwi.	
12.5	Derbyniwyd gwybodaeth bod gully rhwng Aberpwll a Nant y Garth angen sylw'r Cyngor Sir – Y Clerc i gysylltu a'r Cyngor.	CLERC
13.0	CYNLLUN LLIFOGYDD CYMUNEDOL	
	Dim i'w adrodd	
14.0	TOILEDAU CYHOEDDUS	
	Dim i'w adrodd	
15.0	GWEFAN	
15.1	Cyfarfod wedi ei drefnu ar gyfer symud ymlaen a'r gwaith	
	Daeth y cyfarfod i ben oddeutu 09:15	
Llofnod:		Dyddiad: